

I-MEDICAL AID YABO BONKE ABASEBENZI BASE- SOUTH DEEP



GOLD FIELDS

Njengengxenywe Yesivumelwano Samaholo sango-2018, kwavunyelwana nabasebenzi abangamalungu ezinyunyana ukuthi abasebenzi ababengewona amalungu e-medical aid kuzodingeka ukuthi bathathe i-medical aid kungekadluli uFebhuwari 2021. Sikholwa ukuthi ubulungu be-medical aid kuyintuthuko enhle kubo bonke abasebenzi bethu. I-South Deep ithole izinhlelo okungakhethwa kuzo ezingabizi kakhulu ze-medical aid futhi izokhokha ingxenywe yemali oyikhokha nyangazonke ukuze ube ku-medical aid oyikhethayo.

Kungani ukuba ku-medical aid Kuphoquelekile



1

Sifuna bonke abasebenzi bethu babe nenzuzo yokusebenzisa izinsizakalo zokunakekelwa kwempilo ezizimele, abangakwenza ngokuba yilungu le-medical aid. Njengamanje, akubona bonke abasebenzi bethu abaku-CAT 4-8 abangaba ku-medical aid.

2

Umyango wezokwelapha we-South Deep ngeke usakwazi ukuhlinzeka ngezinsiza zokunakekelwa kwezempilo okuyisisekelo, ngakho-ke ngeke ukwazi ukuthola ukwelashwa emtholampilo wemayini kusukela ngo-2021. Esikhundleni salokho, umnyango wezokwelapha uzogxila kakhulu ezinsizeni ezahlukene Zezempilo Emsebenzini kanye nezinsiza zempilo yabo bonke abasebenzi.

Ngabe ihlinzeka ngani i-medical aid?



I-medical aid ihlinzeka ngemihlomulo eyahlukahlukene ngezindleko ezihleliwe zanyanga zonke. Izinzuzo ozikhokhela inyanga ngayinye zifaka phakathi izinsiza zokubhekelela impilo yakho ngokomzimba nangokwengqondo, njengokuvakashela:

- udokotela
- udokotela wamazinyo
- i-physiotherapist
- isazi sokusebenza kwengqondo (psychologist)
- isibhedlela

kanye nemithi yezifo ezingelapheki neyansukuzonke.

Umthetho uthi i-medical aid ngayinye kufanele inikeze lokho okubizwa ngokuthi yimihlomulo eyisisekelo ebekiwe (PMBs) okusho ukuthi noma ngabe ukhetha yiphi i-medical aid, uvikeleka ngezifo ezinjengezinhlobo ezahlukene zomdlavuza, izinkinga zenhliziyo, isifo sikashukela nezinye eziningi, kubandakanya nezimo zempilo eziphuthumayo.



safety



integrity



respect



responsibility



innovation



delivery

Siyaphambili
We are going forward

KUNGANI KUFANELE UBE NE-MEDICAL AID?



I-medical aid ifana nomshwalense wakho wezempilo, kanye nowamalungu omndeni wakho athemebele ku-medical aid yakho.

Ngokukhokha imali yanyangazonke, ungasebenzisa imihlomulo eyahlukahlukene ebandakanya ukunakekelwa kwempilo kwansukuzonke, imithi, ukufinyelela ekunakekelweni ongoti, kanye nokunakekelwa kwasesibhedlela. Ihlinzeka ngokuvikeleka kwezezimali uma kungazelelwe ubhekana nezindleko zezokwelapha ezingalindelekile.



I-medical aid izokhokhela izindleko zokwelashwa kwakho ngaphansi kwemikhawulo ethile.



Ukuba ne-medical aid kukuvumela ukuthi unakekele umndeni wakho ngokuwutholela ukwelashwa kusenesikhathi, esikhundleni sokulinda baze bagule kakhulu ngaphambi kokuya kudokotela.



Nge-medical aid, ungakhetha ukusebenzisa odokotela, odokotela bamazinyo nezibhedlela eziseduze nawe ezaziswa yi-medical aid yakho oyikhethile.

Lokhu kungafaka izibhedlela ezizimele, lapho kungenzeka ubonwe khona ngokushesha okukhulu kunasesibhedlela sikahulumeni.



KUZOBA NOMTHELELA KANJANI EHOLWENI LAMI UKUBA NE-MEDICAL AID?

Uma ukhetha i-medical aid yakho, kuzodingeka ucabange ngalokho ongakwazi ukukukhokhela nokuthi mangaki amalungu omndeni wakho (abantu abathembele kuwe) ofuna ukuwafaka njengamalungu esikimu. Uma ungenabo abantu abathembele kuwe, noma ungafuni ukubafaka ku-medical aid, kuzoba uwena kuphela ilungu.

I-Gold Fields izokhokha u-60% wenani lanyanga zonke, kuze kufike ku-R1 200 njengomxhaso. Enye imali ekhokhwayo yenyanga (u-40% wemali ekhokhwayo noma inani elingaphezu kuka-R1 200) izothathwa emholweni wakho ngaphambi kokuba ukhokhelwe yona inyanga ngayinye.

Uma ungakhethanga futhi wajoyina i-medical aid yakho ngasekupheleni kuka-2020, uzokwenziwa ilungu le-medical aid eshibhe kunawo wonke engakhethwa. Uzokwazi ukushintshela kwenye yamanye ama-medical aid okungakhethwa kuwo ngemuva konyaka.

Izindleko zanyanga zonke ziyashintsha minyaka yonke, futhi njalo ngonyaka unethuba lokushintsha ubulungu bakho uye komunye umhlinzeki we-medical aid, noma uhlelo oluhlukile nomhlinzeki wakho wamanje we-medical aid.

YINI ELANDELAYO EYENZEKAYO?

1

Kusuka mhla zingama-20 ku-Okthoba, sizobe sabelana ngolwazi mayelana nama-medical aid ehlukeni okungakhethwa kuwo, nokuthi ungaba kanjani yilungu



Uzosebenzisa lolu lwazi ukwenza izinqumo mayelana nokuthi:

- Iyiphi i-medical aid ofuna ukuyijoyina
- Yibaphi abathembele kuwe, uma bekhona, ofuna ukubafaka

Sizokwabelana ngalolu lwazi nge-imeyili, ngomphathi wakho, eqembini se-WhatsApp nakumabhodi ezaziso kagesi nawokuphrintiwa. Uma ungakajoyini iqembu le-WhatsApp, sicela wenze njalo ngokucela umphathi wakho ukuthi akufake.

2

Kusukela ngomhlaka 3 kuya kumhlaka 19 Novemba 2020, zonke izinkampani zama-medical aid zizoba nabazimele ku-roadshow e-South Deep. Sihlele nabaphathi bakho ukuthi abasebenzi abangewona amalungu e-medical aid, bazokwazi ukuya ku-roadshow, lapho ungagcwalisa khona amafomu akho okufaka isicelo, noma ucele eminye imininingwane ezokusiza ukuthi uthathe isinqumo sakho. Sizoba nomxhumanisi ozimele (independent consultant) lapho ungakunika izeluleko.

Amalungu omnyango wase-HR azobe ekhona nawo futhi, ukuze achaze kuthi ukuyoyina i-medical aid kuzoba nomthelela kanjani enanini lemali oyiholayo ngemva kwezimali ezodonswa emsebenzini inyanga ngayinye.

Okwamanje, bheka ezokuxhumana ezizophendula imibuzo ongase ube nayo mayelana:

- Nongakhetha kukho ngokuphathelelene ne-medical aid
- Ukuthi isebenza kanjani i-medical aid
- Imihlomulo nezinsiza ongazisebenzisa nge-medical aid yakho
- Okudingayo ukuze ulungiselele usuku ojoyina ngalo i-medical aid

